



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1859**

XLIV. Jürgen von dem Knesebeck verkauft der Katharinenkirche zu  
Salzwedel Hebungen ans Döhre, am 19. Mai 1529.

---

---

**Nutzungsbedingungen**

[urn:nbn:de:hbz:466:1-55003](https://nbn-resolving.org/urn:nbn:de:hbz:466:1-55003)

derlich am Ende des breues vnd bewillinge vnser gnedigen Heren von Brunfwich vnd Lüneburg in dessen hir nascreuen worden, als: Szo bewilligen wir genante Fürste sodane Vordracht in craft dusses brieues vor vns, vnser erben, erbnehmen vnd menniglichen der etc. eine rasure wert befunden, die wie genante von Knefebeke ogenichtlich darin gefunden vnd suluest gesehen hebben, Derenwegen die genante von Soltwedel befueringe angetagen vnd beforget, dat die sulste brief derhaluen in rechten edder darbuten michte vorlecht vnd durch vns, vnser erben edder sulst wedderfuchten werden, dat doch dorch vns edder die vnser nimmer geschehen edder verhenget werden schal. Darumme bekennen wy genante von Knefebeke vor vns, vnser eruen vnd idermenniglich, dat sodane vor angeteikende rasure nicht vth argelist este böser Meinunge sündler alleine vth Versünniz is geschehen vnd dat die sulste Rasur den von Soltwedel, vorbenomt, vnd eren nachkommen nicht schal schetlich syn. Wie vnd vnser eruen schollen vnd willen der sulsten rasuren gegen gedachte Bürgermeister vnd Ratmanne edder Gemeine to Soltwedel vnd eren nabkamen nimmer nicht anteien noch gebuken, sündler densulbigen brief alle stedes one iennigerlei widerrede vaste vnd vntreflich holden. Des to orkunde vnd mere bekantnisse hebben wy Hans van Knefebeke de older vnd Mathies van Knefebeke vor vnser aller der van Knefebeke wegen, vpgenant, vnd vnser eruen mit erer bewilling vnser Ingefegel nedden an dussen brief wilken gehangen, nach Christi vnser heren gebort im vsteinhundert vnd acht vnd twintigsten iare, am Sonnauende nah der besnidinge Christi vnser heren.

Nach dem Originale des Salzwehelschen Archives XXI, 17.

XLIV. Jürgen von dem Knefebeck verkauft der Katharinenkirche zu Salzwehdel Hebrungen aus Döhre, am 19. Mai 1529.

Ick Jürgen van dem knefebek, werners szeliger szone, wannastich tho langensapel, bokenne apenbar in dussen breue vor myck, myne eruen vnde sulst vor alsweme, de eme feen, horen esse lesen, dat Ick mit witscop, wyllen vnd sulborth myner eruen hebbe recht vnde redeliken vorkofft tho einem rechten erffkope, vorkope ock Jegenwardigen, in Crafft vnde macht dusses breuesz, twe mark penninge iarlikes pachtelz in dem dorpe tho Doere vp vnde ann eyne haluen houen landelz myt aller tobehoryngen, wyske, weyde vnd holte, de ermalsz Tydeke Ryddersz ghehoerth hefft vnd nhu kersten ghyfze vnde syne eruen hebben vnde bodriuen, achte schilling penning iarlikes paches vnde in dem suluen dorpe ock an eyner haluen houen, de ermalsz Hansz barsyneken ghehort hefft vnd nhu Henneke peterlz vnde sine eruen driuen, veher vnde twintich schilling penninge soltwehelsch iarlikez pachtelz, Dome Erenastighe heren, Eren Jacob Hinrikez, prester der kerken sunte katerynen in der nygenstadt Soltwehdel, synen Nakameren vnde dem hebber dussesz breuesz mith erem willen vor twintich gude gheunge vulwichtige rynfke ghulden, de myck de sulstige Eren Jacob vp eynem summen vul vnde all tor noge wol entrichtet vnde botalet hefft vnde ick sze vorth Inn myn vnde myner eruen nuth vnde frammen ghekereth hebbe etc. — Jedoch hebbe ick Jürgen van knefebeke, vorgeant, vor myck

vnde myne eruen beholden den wedderkop der vorfcreuen twe mark penninge iarliges paches etc. —. Duffszelz to orkunde vnde merer wyffenheyt hebbe ick Jurgen van deme knefebeke, vakenomt, myn Ingefehgel vor myck vnde myne eruen wytyken henghen laten nedden ann duffzen broff, de ghegheuen vnde ghescreuen iz Na Cristi vnzes heren gheborth veffteynhunderth Jar, dar nha in dem Negenvdethwyntyghesten Jare, defz Myddewekes in den hilligen pyngesten.

Nach dem Originale des Salzwedelschen Archives XXXIII, 16.

**XLV.** Jürgen von dem Knefebeck zu Lagenapeldorne verkauft dem Altar der 14 Nothhelfer in der Marienkirche zu Salzwedel Gebungen aus Bungenese, am 14. Januar 1531.

ICK Jurgen van dem Knefebeke, werners zeliger szone, wanhaftig tho Langhenapellidorne, Bokenne apenbar vor mick, myne eruen vnd szust allzweme, In craft vnd macht duffes breues, Dat ick mith fryen willenn vnd wolbedachtem mode hebbe vorkost vnd vorkope Jeghenwardich mith duffem szeluen breue, den erhaftighen eren Johan Berghe, eren Hermen gruttemaker, Commendilten des altares der verteyn Noethhulper, In vnser leuen fruwen kercken tho Soltwedel beleggen, vnd procuratoren der Spende, dorch zeligen eren Johann ganderfsen vpgberichtet vnd fundert, ock oren nakamelingen der szelueighen Commenden bofzitteren vnd procuratoren der Spende, eyne marck pennink soltwedelscher geringe Jarlicher rente Im dorpe tho Bunatze In Hans Scholten haue vnd alle des haues thobehoringe, Vor twintig marck penninge soltwedelscher geringe houethsummen, die szie mick wol tho dancke ahn eyner szummen vornoghet hebben Vnd In myn vnd myner eruen nuth vnd framen ghekamen szynt. Delfze vorgeschreuen marck Jarliker rente schal vnd will die vargnante Hans Schulte, szyne eruen edder die bofzitter des haues den varbnompten hern Johann Berghen, hern Hermen gruttemaker vnd oren medetobofschreuen alle Jar vp Martini In die Stadt Soltwedel brenggen vnd betalen, szunder alle vnse Inredent vnd vorbedent. Vorbleue denne alzodan botalinge, szo moghen szie dar vnne panden, panden lathen edder idt mith gheiftliken este werliken rechte vthforderen vnd manen, Vnd ick Jurgen van dem knefebeke, vorgnant, vnd myne eruen willen vnd schollen eren Johann berghen, eren Hermen gruttemaker vnd oren medetobofschreuen szodaner marck penninck Jarliker rente eyn recht were wesen, vor allwem. Ock will ick vnd schollen myne eruen Duffe seluige Jarlike rente vorpflichtighen vnd vorbidden, gbelick vnfen andern guderen vp vnse eyghen kost vnd euenture. Doch szo hebbe ick erbnompte Jurgen van dem knefebeke mick vnd mynen eruen de gnade beholden, Dat wie sodann marck pennink Jarliker rente alle Jar moghen wedder losen. Vnd wen wie des ghesynneth, szo schollen wie die lofzunge den vorbnompten eren Johann Berghen, eren Hermen gruttemaker vnd oren medetobofschreuen vnne negestkamende szodan twintich marck houethsummen mith allen nastelligen ghebaren renten vull vnd all thor noghe bynnen Soltwedel entrichten vnd betalen. Wen denne dath szo